



丁氏族譜序

我家自乾隆年間始讀書仕宦百餘年來仕魯仕皖仕黔
仕滇仕粵仕洛馳驅萬里宦橐蕭然故里守祠墓不去者
家道亦中落咸豐末庚申辛酉之亂男婦死者可憫其幸
而得免者則遊宦他方在滇在山左都無恙予亦僥倖圖
存其時侍老母遷徙無定所賊退後奇窮萬狀辛苦持
家而舊藏書藉散失殆盡家譜自先曾祖創稿間有所
續但亦不過叙述大略而已稿又不存同治間與修府志
之役續修縣志及廣德州志俱告竣于是族人責備予何
以不撰家譜爲言智者當務之爲急其咎奚辭從弟經生



復慇懃任其事檢閱府志文學傳中有 曾祖秋水公傳
叔曾祖養和公大父敦甫公附傳伯祖曉樓公傳殉節傳
列女有從嫂孫氏傳羅氏附傳縣志孝義傳中有從弟筱
農公傳列女有叔母嚴氏 先母秦氏事跡廣德州志寓
賢傳中有從伯半農公傳此皆出於鄉先輩公論平允筆
之於書足以不朽無絲毫私念存焉其有不能盡錄者詳
載家譜首宗範次祠規俱就正先哲而後定使後人有所
遵循次世系次表次墳墓次傳稿次祭產次雜識輯成八
卷所愧族人無多且爲飢驅仕宦他方但期家承素業勿
久作他鄉之客回翔故都與後輩講經論學使異日不使

讀書種子斷絕處則爲鄉里善人出則爲廉能之吏是予
之厚望也夫

光緒九年癸未正月兆慶敬書





家有乘猶國有史也舉闔族中品學純粹功名顯揚以及
孝義節烈可以昭示子孫垂爲家範者莫不於是乎在則
譜牒之修要不僅詳紀名字稽攷年月已也所關亦大矣
哉丙戌秋予奉命來守湖州安邑同宗丁君葆書以家譜
乞序夫丁氏爲吳興望族代守詩書人材傑出其以仕宦
顯聞於世者類皆聲名卓著功施赫然行誼可風光於志
傳葆書克承家學布衣潛修志行高潔每於公事接見之
際藹然可親語言篤實誠此邦隱君子也所著有安定言
行錄 國朝名臣事略古今彙纂聞見錄等書並累任湖
州府志暨歸安長興安吉縣志廣德州志纂修之責兵燹

後蒐輯文獻凡有軼事遺聞葆書類能諳習而詳曉之故
著爲論贊公論翕然則撰述之功洵稱不朽矣而其筆之
於家乘者尤以古賢宗範各條博引繁徵冠諸譜首所以
爲後嗣勛者至深且厚傳云教國必先教家知葆書修譜
之意莫重於此所願丁氏後人奉茲格言束身自愛勉爲
善良世守勿替也可是爲序

光緒十三年丁亥清和月宗愚弟鶴年謹識



丁氏族譜凡例

一我家自國初在長超山芮家田遷居城內爲丁氏
贅婿丁無嗣遂從丁姓伯叔祖輩命名俱繫芮字誌
不忘本曾祖秋水公創譜稿名芮氏族譜被兵失去
今改名丁氏譜

一世系每人書名於上格爲某某子書名號仕隱履歷
配某氏繼配某氏妾某氏注明生卒年月日時書配
重齋禮也書子重繼體也書住宅重祖居也書葬所
防失祭也書子女必載其母明所自也書女及所歸
誌外姻也兵燹後舊譜遺失採訪匪易所不知者闕

之

一世系首繪總圖又分四支爲圖世次一目瞭然

一國史及志書有人物傳列女傳譜亦不當僅紀世系也凡族人有行誼卓然宦蹟顯著者身後始論定另爲據事立傳繪像其已載於府縣志者另錄冠前

一宗範俱隱括先賢訓誨之辭足爲家法是則是倣非但成家立業君子上達其庶幾乎故次於世系之後

一修譜者以子孫書祖禰名卽廟中不諱之意

一禮云男子三十而娶故未及三十者則曰未婚若已過三十者則竟書不娶

一族中有犯撤族之條者生不與祭死不入祠已書名者削去以示非我族類但不及其子孫庶期幹蠱

一古人嚴嫡庶之分名分攸關勿容假借雖子孫未便私自更改

一無子之妾及再醮之主既不准入祠並不准入譜各家譜規皆然今寬其例附載如妾有盛德昭著節義可嘉者戚族無間言亦可附傳

一祠規俱載有關祠內之事係闔族公論允協並就正有道刊布以垂久遠

一塋墓祖宗體魄所藏世祀勿替關係最重不論行輩

一 例載入墓地坐落河埠方向地界分四至碑誌畝數若干有無祭田以及管墳姓名並繪圖

一 子孫命名祖宗固宜謹避而族眾易複間有重者以弟避兄以姪避叔改名載入

一 祭產附載於後



丁氏族譜卷二

祠規

祠堂舊在仁壽鋪蘇家巷創建於道光二十四五年間規模粗具同治九年被兵毀僅存基地梅仙公之七世孫彥臣宦山東寄資重建以舊基湫隘卜吉於局前橋住宅東之南河頭卽午橋公住宅遺址南向建屋五間中三間爲堂左右隔以牆堂南爲重檐庭東西廡各三間南爲中門中爲甬道又南爲大門東西二柵門四圍綠以垣西首披屋三間

管祠人住

畧仿品官家廟規制而致彥臣謙遜不

自安因改爲祠堂合族通祀以爲子孫各無不應
祭之主祖宗亦無不應受祭者庶幾可以存禮意
妥先靈案祠堂見於朱子家禮卽司馬溫公書儀
所謂影堂也郡人有祠堂者甚多各家祠規無一
定茲乃循舊制參酌損益期不背乎義理妥議祠
規各條以垂久遠係闔族公論允協謹遵勿失

一祠中統設一龕分爲七層最上層供始祖暨一世祖梅

仙公主高高祖鄔雲公主高祖簡齋公主

家禮神主位次以西爲上

所謂神道尙右也明邱濬所定祭四世之圖改爲高祖居東會祖居西祖居東考居西通禮從之則又以東爲上
第二層供伯叔會祖輩主第三層供祖輩主第四

層第五層供伯叔禰

生日父死日考廟日禰

主第六層供兄弟輩

主位次由東至西妣以適爲配南向庶爲祔側東向八世以下在東序另置一龕應歸本支祔祭子不先父食不易之理日後八世之主移入中龕龕滿不能容則不能不議祧矣

一宗祠神主自梅仙公以下至今建祠之人已七世所以不議祧者以新創宗祠司祭勿忍以待後人但有永遠不祧之主其爲名宦鄉賢已在祀典者男婦忠孝節烈已請旌表者當另立一忠孝節烈龕次則爲創建祠堂者有助義產至五百千以上者報德崇功烝嘗勿替仁之至義之

盡也

凡奉主入祠當祧其高祖以上親盡之主其說以爲親盡則祧雖帝王家無有供七世遠祖者高祖以上之主由昭祧者藏主於東夾室由穆祧者藏主於西夾室品官之祧主藏而不祭士庶之祧主埋於墓此通禮也吾郡各家祠堂之例有以所祀之主焚而瘞埋燼於坎設一屏統書官銜字號權以代主藏於另龕五年一祭亦有設屏不再祭者每於春秋享祀時只上香燭不敢獻爵台司祭者行禮因并錄之以俟後之知禮者採擇焉

一西序祔位爲成人無後者未婚及殤者程子曰八歲爲下殤十四爲中殤十九爲上殤七歲以下爲無服之殤不祭下殤之祭父母主之終父母之身中殤之祭兄弟主之終兄弟之身上殤之祭兄弟之子主之終兄弟之子之身若成人而無後者兄弟之孫主之亦終其身凡此皆以義起也朱子亦謂無後祔食之位古人祭於東西廂春秋享祀時正位三獻畢使人分獻一酌以慰怨恫今並遵之

一主不得入祠者妾無子一殤非嫡子二婦自再醮來而無子者三螟蛉子四充當役隸者五曾經犯法擯撤者

六出家爲僧道者七惟無子之妾青年守志或遇變殉節例合旌表及得撫養之子封贈者許其入祠有再醮來爲夫亡同殉者許其入祠

一族人閨女有烈行者其主准入祠祔祭惟未婚守節者死於家其主應送入夫家出嫁女有節行請旌者註明

一祭祠堂分春秋二季向年春祭定於二月十六日秋祭定於九月十六日今仍之司祭者先一日傳知闔族屆

期不邀辰刻齊集衣冠整肅以昭誠敬族長司祭

古者主祭

必以宗子今宗法廢而不行已久

少者執事祭品八碗八果

合族通祀故不照家

廟祭品

禮畢徹饌在東西室食餽餘不飲過量之酒盡歡

而散贊禮讀祝諸儀節凡來祭者十人以上次第舉行

擇子弟中聲音清朗者二人一人贊禮一人讀祝又執爵二人如人少均可兼攝

儀注

排班 族長孫就位 眾孫皆就位 班齊 鞠躬

跪 族長孫詣香案前 跪 上香 酌酒 俯伏

興 復位 跪 皆叩首 叩首 叩首

族長孫詣香案前 跪 初獻爵 再獻爵 三獻爵

俯伏 興 復位 跪 皆叩首 叩首 叩首

族長孫詣香案前 跪 俯伏 讀祝 讀畢 興

復位 跪 皆叩首 叩首 叩首 興 鞠躬 平

身 禮畢 執事者補行三跪九叩禮

取祭文由中門出送燎司祭者詣燎所視燎畢闔門各退

一族中宦游四方者多家居子弟就傅以上但能行禮者無論已未遊庠均許與祭

一族姓漸多難保無霑染惡疾不幸而有窩娼窩賭拐騙爲訟棍縱容妻女淫佚種種有干例禁玷辱門第是謂得罪祖宗自後有犯此者應邀同族眾集於祠中無論尊卑焚香告祖擯撤族外宗譜除名不許與祭雖父兄不得阿容深恐日久釀成巨案連累族人且其人行爲

不軌漸漸老大何以爲子弟取法不得不撤但不及其
子孫以啟其改過自新之路

一歲朝在龕前供設糕糰果品之屬族人各率子弟齊集
宗祠拈香行一跪三叩禮既畢兄弟叔姪以次行團拜
禮各飲茶一盞而散

一每月朔望入祠拈香行一跪三叩禮並留心察視牆壁
有小壞卽行修葺免致積久傾頽多費

一新婦廟見古禮也凡娶婦三日舅姑率子婦至祠堂薦
享參神行三獻禮生子者主人詣祠焚香告祖

一喪者除服奉主入祠先期三日通知族人是日主人於

祠堂陳設殺饌參神行一跪三叩禮凡族人及親戚來送入祠者行禮主人答拜

一祠中祭器並所置倚卓等物平時收貯護惜毋得濫借於人以致速敝

一祠堂正屋供奉神主深閉幽穆左右兩間及東西廡現在空虛族姓自外來者暫借棲足但不准攜眷同住亦不許借人堆積雜物

一西余山潘塘兩處祖塋春秋二祭定期後先一日知會各房是日質明齊集登舟同往船大小以人去之多寡爲定各人自備衣冠以昭誠敬毋得以小事推託不往

祭品六盞六果醬蹄一火肉一雞一鴨一魚一素菜一
楮錠卽古人焚帛之意不可多恐遇風燎於原也

一族人無論仕商凡有捐助祠堂廣置義產卽在祠壁勒
碑記譜內立傳繪像宗族俱有榮焉

一族中無力起墳停柩不葬任憑有力者助貲代爲掩埋
審看方向動工其本支不得以風水爲辭牽掣礙事

一族中爲田土錢財等事紛爭未決應先邀同族眾及公
正戚友妥爲調處甯使有餘者稍吃虧不可亟行興訟
致傷本根

一我家自芮家田遷居城內易姓丁丁盛而芮衰現今只

有一人失業且無嗣日後我家應分一支復姓芮歸祖
居半耕半讀以承祭祀古人疏食菜羹必祭且不忘其
所自始今去吾祖不過二百餘年報本追遠其可忽諸
一舊祠堂基地在仁壽鋪被兵後已成廢地坐落冷僻今
與貼隣連界張姓兌換程邑北門外竹行坎店房兩間
議作祭產呈明立案成契係修譜者承辦

互詳
宗產



丁氏族譜卷一

宗範

人倫之則古今所同秉彝之好人人所後生薄德

何敢立言載稽先正遺規並參以世家譜錄輯爲宗
範言皆庸言行皆庸行以此自勵並期世世子孫守
而弗失云爾謹誌

訓子義方

士爲四民之首從師受學便有上達之路富貴貧賤一時
之遇若賢士君子則人人可爲讀聖賢書愚者因之以智
不肖者因之以賢所以人自愛其身惟有讀書愛其子弟

惟有教子讀書不讀書則不知禮義一傳再傳蚩蚩蠢蠢
有親不知事有身不知修有子不知教愚者安於冥頑慧
者習爲黠詐一世廢學不知幾世方能復之足爲寒心然
則詩書之業何可不竭力世守哉

張楊園
全書

功名富貴固自讀書中來然其中有數非人力所能爲苟
人力可爲將盡人皆貴顯矣嘗見人家子弟一讀書就以
功名富貴爲急百計營求無所不至求之愈急其品愈污
緣此而辱身破家者多矣至於身心德業所當求者反不
能求真可惜也吾輩讀書者當朝溫夕誦好問勤思功名
富貴聽之天命惟舉孝弟忠信時時勵勉苟能表率鄉閭

教導子姪有禮有恩上下和睦卽此便足尊貴何必入仕
然後謂之仕哉至於不能讀書者安心生理顧管家事能
給束修薪水之資使讀書者得以專心向學成就一才德
邁眾之人則合族有光卽此便是學問何必登科及第然
後謂之出人頭地也

唐翼修人
生必讀書

學者精進工夫要破除俗念而來顧端文公示兒帖云

公名憲成無錫人萬曆
進士學者稱涇陽先生

若肯刻苦讀書到得工夫透徹

連舉人進士不難若又肯尋向上去要做箇人卽如吳

康齋胡敬齋兩先生只是箇布衣都成了大儒至今說

起兩先生誰不敬慕

愚

謂張楊園陸桴亭兩先生明季

諸生在鄉里間授徒講學踐履篤實卒爲大儒近年有
奏於朝得以崇祀廟廷後輩讀書當立志爲先願勿
視爲儒生迂談而河漢諸

謀生有術

治家人生產非必如今人封殖只得條理得停當使一家
衣食無缺如許衡治生之謂蓋衣食所以養廉衣食足自
不輕易求人輕爲非禮之事然後可以立定腳跟向上做
去若忽視治生不問生產每見豪傑之士往往以衣食不
足不矜細行而喪其生平者多矣足以爲戒

楊園
全書

每見寒士讀書授徒爲業束修不足則以書院膏火佐

之勤苦持家眞乃自食其力此外皆妄求也能無滋愧
高注近思錄云人生有欲欲在於自奉世人所以日夜
蠅營甘爲至汙極下不辭者不過欲俱饜饜恣睢之一
快而已後人當猛省斯言

族類當辨

類族辨物聖人不廢世以門第相高有非族認爲族者然
姓雖同而祠不同入墓不同祭是非難淆疑似當辨倘稱
謂亦從叔姪兄弟後將若之何宗祠宗譜必嚴爲之防蓋
神不歆非類處已處人之道當如是也

某氏
宗規

不幸無子兄弟之子猶子也無兄弟則從兄弟以及再從

三從之子亦猶兄弟之子也若必無其人袒免以往終爲一本凡族人無子者則以兄弟之子應嗣者不得育異姓子爲後致紊宗祧亦不許族人子出繼異姓謂他人父不孝莫大焉

楊園全書

非族認爲族亦名越認近來風氣更甚近於勢利未免爲識者所譏

敦本睦族

鰥寡孤獨王政所先況乎同族得於耳聞目擊者乎則必恤之貧者恤以善言富者恤以財穀皆陰德也衣食窘急生計無聊則周之量已量彼可爲則爲不必望其報不必

使人知吾盡吾心焉人有忿則爭競得一人勸之氣遂平
遇一人助之氣愈激然當局而迷者多居間解之族人之
責也引伸觸類爲義田爲義學爲義塚教養同族使生死
無失所皆豪傑所當爲者

訓俗
遺規

范文正公云宗族甚眾於吾固有親疏自祖宗視之則均
是子孫固無親疏苟祖宗之意無親疏則饑寒者安得不
恤也自祖宗來積德百餘年而始發於吾得至大官若獨
享富貴而不恤宗族異日何以見祖宗於地下今何顏入
家廟乎於是恩例俸賜常均於族人并置義田宅云

朱子
小學

在富者固應加意矜卹以敦一本之誼在貧者不可悵

求無厭而生忌克之心

骨肉構難同室操戈天必兩棄從無獨全之理蓋天之生物使之一本本立則道生根傷則枝槁未有根本既傷而枝葉如故者

楊園全書

故鄉墳墓宗祠是爲根本勿輕遠徙散處遐方每見族勢孤懸族情疏濶皆由散處四方之故古者同溝同井之人尙且死徙無出鄉矧從一氣而分者乎苟非萬不得已宜

懷首邱之思

訓俗遺規

爵齒德爲三達尊合族言之亦有三有事何必定推族長名位最尊者爲族尊行輩最長者爲族長行事直方

者爲族正三者皆足以駕馭族人然不可存挾貴挾長
挾賢之見遇族中有爭競事仍當善言勸諭以釋其紛
如有不軌甘心下流貽玷祖宗許族眾送官懲治決勿
姑容

防閑閨閫

男正位乎外女正位乎內君子正乎家取法乎此其閨門
未有不嚴肅者縱使家道貧富不齊如饁耕採桑操井臼
之類勢所不免而清白家風自在或有不幸寡居則丹心
鐵石白首冰霜如古史所載貞烈婦女炳耀後先相傳不
朽皆風化之助亦以三從四德姆訓夙嫻養之者素也若

徇私妄娶門閥不稱家教無聞又或婦性不良凶悍妬忌
傲僻長舌皆爲家之索罪坐其夫若本婦冥頑不聽教訓
夫亦無如之何者則據本夫告詞詢訪的確會族人告於
祖宗或屏之外氏之家亦少有所警矣要之教婦在初來
擇婿必世德語曰逆家子不娶顏氏家訓曰娶必欲不若
吾家者至於近時惡俗婦女有朔望入廟燒香者有逢會
看會逢戲看戲者待嫁之女尤非所宜治家之道一切嚴

禁庶無他患

訓俗
遺規

人無貴賤各有賢愚妾媵之中豈盡無良但因出於微賤
卽自甘菲薄素無教訓卽不識禮義是以求其賢者十恒

不得一二也或因子息不得已而畜之要使難進易退嚴之以禮督之以勤與其過毋不及若委以事權假以名分鮮有不生禍敗者語云腐木不可以爲柱卑人不可以爲主戒之哉

楊園全書

近世風俗澆漓又有尊庶母爲嫡躋妾爲妻者大乖倫常反蒙詬笑更爲不可

再醮之婦取以配身古人以爲已之失節自好者宜所不爲上以卑其親下以辱其子至如門內寡婦有不安其室以去者不許復返雖其子成立不得蒙面招養以敗家聲如女子適人更二夫者絕之

楊園全書

張公藝九世同居宋高宗問之書忍字百餘以進意美矣而未盡善也居家御眾當令紀綱法度截然有章乃可行之永久若使姑婦勃谿奴僕放縱而爲家長者僅含默隱忍而已此不可一朝居而況九世乎善乎浦江鄭氏對太祖之言曰臣同居無他惟不聽婦人言耳此格論也雖百世可也

日知錄

業廣維勤

士農工商業雖不同皆是本職勤則職業修惰則職業墮修則父母妻子仰事俯育有賴墮則資身無策不免姍笑於姍里然所謂勤者非徒盡力實要盡道爲士者則須先

德行次文藝切勿因讀書識字舞弄文法顛倒是非造歌
謠匿名帖舉貢生員不得出入公門有玷行止仕宦不得
以賄敗官貽辱祖宗商者不得執袴治遊酒色浪費若賭
博之事近來相習成風最足壞人心術凡傾家蕩產招禍
速釁無不由此犯者宜會族眾送官懲治否則罪坐房長

訓俗
遺規

人有常業必興其家忠厚居心天必福之勿爲賭蕩不法
之事勿爲遊手無常之人遊手則必入於匪類賭蕩則將
無所不至古今來未有好賭而不喪其品破其家者其事
則卑汙苟賤貪鄙不堪其歸至爲父母所不齒妻子所厭

惡人每自知之而自蹈之何耶凡此數者由於其人之趨
向關於自心之洗濯非旁人所能理論凡爲一本之親有
同祖共宗之誼故不能以嘿嘿饒舌及之

蔡文勤示
子弟帖云

近世更有吸食洋烟耗財廢業亦能傾家蕩產與賭博
同有非分之用必有非分之想心術不堪問矣坐此貧
困無聊皆由自取

節儉持家

凡人用度不足率因心侈心侈則非分以入旋非分以出
貧固不足富亦不足若計口以給衣食量入以準日用素
貧賤行乎貧賤素富貴不忘艱難所需自有分限不俟求

多也若能於膳養之餘節省繁冗用廣祭產與置膳族公田非惟可以上慰祖宗之心卽下及子孫得以永久不替

楊園

全書

世人之不能節儉以致傾覆家業只壞於爭門面一語爭

訟好贏的門面則鬻產借債討人情鑽刺不顧利害吉凶有事好豪富的門面則賣田嫁女厚賂聘媳虛糜酒食亂用綾紗又如招請貴賓供給新婿演戲許愿預修祈福力實不支設法應用不知挖肉補瘡所損日甚此皆惡俗可

憫可悲所宜切戒

訓俗遺規

汪信民嘗言人能咬得菜根則百事可做朱子曰凡衣

食外物至微末事不得未必便死亦何用犯義犯分役
心役志營營以求之耶後生當三復斯言

文中子曰婚娶而論財夷虜之道也君子不入其鄉古者
男女之族各擇德焉不以財爲禮司馬溫公曰凡議婚當
先察壻婦性行及家法何如勿苟慕富貴壻苟賢今雖貧
賤安知異日不富貴乎苟不肖今雖富盛安知異日不貧
賤乎婦者家之所出盛衰也苟慕一時富貴而娶之彼挾
其富貴鮮不輕其夫而傲其舅姑養成驕妬爲患無極戒
之戒之朱子小學

婚禮當各視其資力男家禮儀女家奩具俱不可過侈以

致破家滅業在男家爲厚婦而薄子在女家爲厚女而薄子
子重厚於子女而薄其親是謂顛倒即使有財亦不可靡
麗近於暴殄惟近日有兩家俱以銀代禮者此於女子有
實益不爲鄙俗也

參楊園全書

祠墓歲修

祠乃祖宗神靈所依墓乃祖宗體魄所藏子孫思祖宗不
可見所依所藏之處卽如見祖宗一般時而祠祭時而墓
祭皆展視大禮必皆敬謹凡棟宇有壞則葺之罅漏則補
之垣砌碑石有損則重整之蓬棘則剪之樹木什器則愛
惜之或被人侵害盜賣盜葬則同心合力復之患無忽小

視無逾時若使緩延所費愈大此事死如事生事亡如事

存之道族人所宜首講者

訓俗遺規

名公巨卿邱墓內有墓誌外有豐碑再有華表人獸以及
神道碑亭至士庶之家雖限於分而誌石豐碑不在禁例
稍有力者內誌以石或記事功或止勒亡者生卒年月并
方向四至大概附埋塚內上樹碑一通不必過於高大碑
面題考某某之墓照有無封贈職銜旁書子某孫某敬立
碑陰仍將父母生卒年月并所葬地方向四至丈尺墓田
畝數明白刊刻庶可以示久遠以防侵佔葬遠鄉者尤不

可忽

王之欽言行彙纂

風水無憑

湖俗惑於風水之由以近世術家創爲禍福響應之說巧言偶中本無憑而土人故昂其價以取償有數十年不得風水者而子孫以顛避之私衷沈溺於堪輿之狂論徧求地而未葬者壘壘淺土暴櫬頻年或損雨淋或破盜發將來之福尙屬杳茫見前之禍輒已蒙被甚矣其惑也夫修德獲報天道昭昭不爽乃不知求之昭昭而求之冥冥深信術士之侈談陰應乞靈於累世之朽骨凡人情豈有不欲子孫累世貴顯富厚不絕者方其生時有其智力有其精誠然欲爲子孫圖慮長久亦有不能盡如其願者死後

上方言
枯骸乃能蔭其後人乎

祖訓

今之欲葬其親者無論平原山麓入土爲安惟卑濕界水不可葬深山窮谷不可葬近城市要道不可葬卑濕界水易生蟲蟻深山窮谷艱於祀享逼近城市難免鋒烟至於吉凶禍福繫之人心不繫之葬地也諺云陰地不如心地好欲葬善地疆爲善而已矣因勸族人宜儆族葬法父子祖孫生同居死同城子孫祭掃畢萃於斯協天理順人情也惟因地狹不足容棺則更關他所然不可惑於葬師邪說致多游移

毋信僧道

世俗於喪日召僧道作佛事名曰追薦視其家之貧富以爲豐儉疏數有不作者鄉里親族其非之以爲薄其親也其非禮義恣誣惑先儒論之詳矣不具述卽以財論人子之喪其親衣食棺槨凡附於身者必誠必敬猶所謂無財不可以爲悅者也佛事之費富者數百千或數十千貧者亦數千何不移此以厚於送死之具不旣無憾乎較諸費於僧道無益於死有害於生得失懸矣或曰人子懼其親之有鬼神也而以僧道禱祠亦悔過之門乎是又不然使其親生前而修德行道也何藉於僧道士之薦度乎如其多行不義而死也爲之子者改行遷善以蓋前愆易所爲





丁氏族譜卷三

世系

始祖

芮忠

生於明季祖居芮家田生卒年月無考

芮祥敷

明季未詳所出居芮家田生卒無考

以上係

曾祖考秋水公在長超沈宦寺

陰冊查出今被兵後冊已失去

祥敷公以後湮沒無考自長超芮家田遷至

本城爲贅壻於丁氏因改姓丁然無年代可

稽遂以梅仙公爲一世祖



一世

丁芮普 字梅仙生於順治年 月 日 時卒於康

熙年 月 日 時

配沈氏

子一世龍

合葬北門外西余山



二世

普子

丁芮世龍 字五雲號隴雲候選州同生於康熙二十七年戊辰正月初九日辰時卒於乾隆二十一年丙子七月十七日丑時享年六十九歲佳貴涇鋪金婆術

配陳氏 東門外坐庄陳氏女生於康熙二十五年丙寅閏四月初八日亥時卒於乾隆四十一年丙申十二月初九日寅時享年九十一歲

合葬南門外潘塘

子一 敬

三世

子世龍

丁芮敬

字簡齋國學生於康熙五十五年丙申四

月二十二日巳時卒於乾隆五十八年癸丑六月二十四日卯時享年七十八歲以子溶官山東知縣誥封奉直大夫乾隆三十一年始由金婆衙遷住局前橋

配張氏

住西門水口任襄陽府知府張兌和之姪

女生於康熙五十五年丙申六月十七日卯時卒

於乾隆十六年辛未閏五月初三日午時享年三

十六歲

誥封宜人

繼配鄭氏 同邑生於雍正二年甲辰九月二十六
日戌時卒於乾隆五十八年癸丑九月初五口午
時享年七十歲 誥封宜人

台葬南門外潘塘

子四

溥

步瀛

溶

源 鄭氏生



四世

敬長

子 丁芮溥

字樸庵安邑庠生由局前橋遷居安學東

生於乾隆十年乙丑六月初九日寅時卒於嘉慶九年甲子正月二十四日申時享年五十四歲以曾孫塋鹽運使銜官山東候補道曾孫兆基官江蘇候補道曾孫葆元三品銜官江甯候補知府誥贈資政大夫

配許氏 方家河許氏女生於乾隆十年乙丑三月初六日辰時卒於嘉慶壬戌七年七月十三日未時享年五十八歲 誥贈一品夫人

台葬西門外楊家埠

子可發

幼殤

如琦

女一 適同里朱鑿儀直隸霸昌道朱鑿廷之族弟

敬次子

步瀛 字遜容號仙槎住局前橋安邑歲貢生直隸

長蘆鹽知事生於乾隆十二年丁卯十二月十六

日午時卒於嘉慶六年辛酉九月十九日亥時享

年五十五歲以曾孫彥臣鹽運使銜官山東候補

道 誥贈榮祿大夫著有唐人萬首絕句續鈔

配鄭氏 郡城東雙林鎮鄭氏女生於乾隆十三年

戊辰九月十六日時卒於嘉慶十五年庚午十

二月二十六日時享年六十三歲 誥贈一品

夫人

妾戚氏 本城人生於乾隆二十八年癸未四月二

十六日卯時卒於道光十二年壬辰十一月十二

日未時

合葬東門外嚴涇村

子

芮模

以源之次子爲嗣

敬第
三子 溶

字淇泉號秋水住局前橋乾隆四十四年己亥

科十三名舉人考取國史館謄錄選授山東萊陽

縣知縣勅授儒林郎生於乾隆十七年壬申五月二十九日申時卒於嘉慶九年甲子正月十九日戌時享年五十三歲

著有經典考辨通鑑考辨唐石經校文補遺遲雲樓文鈔詩鈔

配嚴氏 住東街尺五堂嚴氏女未婚故

配吳氏 住北門外下蕩田馳贈儒林郎國學生吳駕生之次女生於乾隆十七年壬申三月初六日未時卒於嘉慶六年五月二十四日辰時享年五十歲

誥封安人

合葬北門外黃龍洞山

子 芮樸

女三 長適南街嘉慶丙子舉人任溫州教諭沈瑜

次字菱湖吳未婚故 三適東街國學生沈濱

號曙秋

敬第
四子

源 字養和候選州同住局前橋生於乾隆二十一

年丙子十月初二日亥時卒於道光十四年甲午

十二月二十二日午時享年七十九歲親見七代

五世同堂道光十三年由巡撫題請 給予七葉

衍祥匾額緞疋銀兩以子桓江西候補縣丞 誥

封奉直大夫著有說文便檢已刻

配莫氏 同邑國學生莫維新之女生於乾隆二十

年■月■日■時卒於嘉慶十■年八月初六日

未時 誥封宜人

妾沈氏 無出

合葬南門外瑤鈴山

子四 桓 模 出繼

巨川 榆



五世

溥子

如琦

原名芮栻字綺巖邑庠生雲南鹽課司提舉

生於乾隆三十七年壬辰十月十四日時卒於

嘉慶二十五年庚辰九月十六日時享年四十

九歲以孫埜鹽運使銜官山東候補道孫兆基官

江蘇候補道孫葆元三品銜江甯候補知府 誥

贈資政大夫

配吳氏

住北門外下塘田貢生吳廷璋之長女生

於乾隆三十七年壬辰八月十一日時卒於道

光三年癸未八月二十二日時享年五十二歲

誥封夫人

合葬北門外外溪

妾王氏 蘇州人生於乾隆三十六年辛卯五月十

三日 時卒於道光十八年戊戌十二月初九日

時享年六十八歲

另葬東門外沈長山趙家兜

子五 應鑿 應勳 應燾 應鑑王氏 應煦

女六 長適長橋姚加厚貢生次適吉慶巷陳邦彥

國學生王氏 三適東街嚴拾珊邑庠生王氏

四適欽古巷張滌程邑廩貢生試用訓導 五適

姚家壩姚理中國學生夫故守節奉 旨旌表

生

六適花樓橋莫旬士 七適南潯馬家港朱

以莊程邑庠生

源長子

芮桓 字虹橋安邑庠生江西候補縣丞歷署玉山

廣豐縣知縣瑞州府同知生於乾隆三十八年癸

巳十月十一日午時卒於道光二十年庚子二月

十五日辰時享年六十八歲 勅授徵仕郎

配錢氏 本城人生於乾隆 年 月 日卒於道

光年四月二十五日亥時享年五十 歲 勅授

孺人

繼子

辰

以巨川之長子爲嗣

合葬于南門外瑤鈴山

女二 長適狀元坊高景根江西按察使知事 次

適水口張泉號裳先江西候補知縣

步瀛
繼子

芮模

字曉樓安邑廩貢生由訓導改縣丞分發安

徽歷署太平府同知休甯潛山等縣補授阜陽縣

丞生於乾隆三十九年甲午十二月二十五日寅

時卒於道光二十二年壬寅二月十八日卯時享

年六十九歲以孫彥臣鹽運使銜官山東遇缺

題奏道

誥贈榮祿大夫著有漢晉磚文考畧脈

望館詩鈔

配馮氏 住東街乾隆辛丑進士任雲南鎮沅州知
州馮璽之第四女生於乾隆三十九年甲午十月初七日卯時卒於道光二十五年乙巳五月初十日午時享年七十二歲以孫彥臣貴 誥贈一品夫人

妾李氏 廣東人生於嘉慶年卒於咸豐六年丙辰十二月初十日享年七十歲

合葬東門外嚴涇村

妾程氏 歙縣人生於嘉慶二十二年丁丑正月初

五日時以孫彥臣貴 賜封一品夫人

另葬八百畝田

子三 嘉禾 申 壬 李氏生

女二 長適同邑嚴秉鈞庠生 次適天甯寺前陳

延禔號詠花邑庠生

溶子

芮樸 字敦甫號山民國學生生於乾隆四十年乙

未八月二十五日丑時卒於咸豐三年癸丑六月

初三日午時享年七十九歲以從姪申任貴州廣

順州吏目 賜封修職郎著有風水祛惑二卷

已刻

配吳氏 住北門外下蕩田 誥贈奉直大夫吳廷

華之長女吳駕先之孫女生於乾隆四十年乙未

月 日 時卒於嘉慶九年甲子九月二十二日未時享年三十歲 貽贈孺人

繼配楊氏 住府廟前五品銜楊思誠號景時之女
生於乾隆四十年 月 日卒於嘉慶十年
九月初三日享年二十歲 貽贈孺人

繼配朱氏 住北門外姚家壩國學生朱樸園之女
生於乾隆四十六年辛丑五月二十九日未時卒
於咸豐二年壬子四月初三日戌時享年七十二歲 貽封孺人

子二 師光 師揆 俱吳氏生兼祧芮楡

合葬北門外黃龍洞山

女二 長適北門外盧家兜盧錡國學生 次適下

蕩田國學生吳西樓議敘鹽運司知事

源第
三子

巨川 字春山湖州府學歲貢生候選訓導生於乾

隆四十年乙未十一月三十日辰時卒於道光二

十二年壬寅八月初五日巳時享年六十八歲

勅授脩職郎

配吳氏 住北門外蔣澗國學生吳整之女生於乾

隆三十八年癸巳五月十六日未時卒於咸豐十

年庚申四月二十四日午時享年八十八歲

合葬于南門外瑤鈴山

子二 辰

出繼

允元

女三

長適竹墩沈燦文華亭縣主簿

次適蔣溲

吳炳奎邑庠生

三適同里沈曙秋之姪沈某

源第
四子

榆

字常甫號檢亭山東堂邑縣管河主簿生於乾

隆四十三年戊戌

月

日

時卒於道光十三

年癸巳四月十三日戌時享年五十六歲

勅授

修職郎

配張氏

住北門外張家壩張以敬恕齋之女生於

乾隆四十

年

月

日卒於嘉慶二十三年十

月十九日未時享年四十歲

繼子師揆

芮樸子兼祧

合葬青銅門外孔雀橋



六世

子桓繼

辰

字啟東號麗生邑庠生廣西懷遠縣梅寨司巡
檢生於乾隆五十七年壬子十二月十六日未時
卒於道光十六年丙申九月初六日午時享年四
十五歲 勅授登仕郎

配湯氏

任務前河候選布政使理問湯兆芳之女

生於乾隆五十八年癸丑七月初四日午時卒於
道光二十五年乙巳六月初五日未時享年五十
三歲

合葬於南門外搖鈴山

子 珪

女三 長適壽星橋王慶蘭 次適道場山費書田

分發雲南從九品 三適右營基前陳默生

芮樸
長子

師光 字鑑庭國學生生於乾隆六十年乙卯五月

初三日未時卒於道光三年癸未五月二十三日
戌時享年二十九歲

妻章氏 住荻港歸安廩貢生候選訓導章繩曾甫

旃之長女生於嘉慶元年 月 日卒於嘉慶十

九年七月二十九日 時享年十九歲

繼妻張氏 同邑庠生吳張榮省菴之長女生於乾

隆六十年 月 日 時卒於道光七年八月初

三日丑時享年三十三歲

合葬北門外黃龍洞山

繼子

兆慶

以師揆之子爲嗣兼祧本支

女一

張氏出

適長興倪澧任廣東西甯縣知縣

模長子

嘉禾

字怡伯號半農國學生生於嘉慶二年丁巳

三月二十日卯時卒於咸豐五年乙卯二月初十

日戌時享年五十九歲以子彥臣鹽運使銜山東

候補道 誥贈榮祿大夫

配孫氏 同邑舉人山東淄川縣孫功烈之孫女候

選從九孫家蔚之女生於乾隆六十年乙卯十一月初九日戌時卒於道光十五年乙未八月初八日戌時享年四十一歲 誥贈一品夫人

合葬東門外巖涇村

子一 壽保 彥臣

女一 長靜蓮殤 次適同邑庠生孫衍泰之子介生咸豐末殉難 賜卹

模次子

申 字濟仲貴州四十八溪主簿歷署貞豐邛水縣丞

簽分廣東主簿生於嘉慶二年戊午五月二十四日未時卒於咸豐二年壬子七月二十五日丑時

享年五十五歲以子嘉培官姚州知州 誥贈中

憲大夫

配閔氏 由晟舍遷住蓮花莊江蘇巡撫閔鶚元之

孫女庠生思宣第四女生於嘉慶元年丙辰十月

初九日子時 誥封淑人卒於光緒八年十月十

七日辰時享年八十七歲合葬東門外八百畝圩

子五 嘉培 陟墀未娶故 則蘭 壽愷出 掖垣

女二 長適洞庭東山周德材號藝卿 次適杭州

汪溶號雲峯

如琦 應塗 字秋琴候選布政使經歷由學東遷住望州

橋下街生於嘉慶三年戊午七月初二日未時卒
於咸豐十年庚申八月二十二日未時享年六十
三歲以子壽祺鹽運同銜泰安府糧鹽總捕通判
誥贈資政大夫

配陳氏 同邑陳仰孟之次女生於嘉慶元年丙辰
九月十二日未時卒於同治元年壬戌八月初四
日午時享年六十七歲 誥封夫人

殯於南門外潘塘

子二 長保 壽祺

出繼

桂生

幼殤

女三 長適同邑潘樹辰道光舉人任江蘇荆溪縣

知縣 次適菱湖王紹光候選布政使理問 三

適外溪潘敬國學生

樸次子

師揆 字賓門貢生業儒生於嘉慶四年己未七月

初四日子時卒於道光十五年乙未閏六月十二日未時享年三十七歲

配秦氏 本城國學生秦均長女生於嘉慶元年丙辰十二月三十日卯時卒於光緒七年辛巳正月初五日酉時享年八十六歲

合葬北門外黃龍洞山

子 兆慶

出繼兼祧本支

子如琦

應勳

字菊坡兵馬司副指揮生於嘉慶五年庚申

十月十九日時卒於道光十七年丁酉十月二

十七日時享年三十八歲以子堃鹽運使銜官

山東候補道子兆基官江蘇候補道 誥贈資政

大夫

配嚴氏 由驥村遷任本城候選直隸州嚴清渠之

長女生於嘉慶三年戊午三月初七日子時卒於

光緒四年戊寅七月二十七日寅時享年八十一

歲 誥封一品夫人山西賑捐案內奉 旨建坊

旌獎樂善好施匾額

子三 莖堡 兆基

女四 長適本城張成全程邑歲貢生任武義縣教諭
次適南潯鎮吳慶森號樹庭 三適張成全
繼室 四適直隸保定李潤山東候補知縣

巨川子

允元 字半花候選從九品生於嘉慶八年癸亥十

一月十八日酉時卒於道光二十一年辛丑十一
月初十日戌時享年三十有九歲 勅授登仕郎

配張氏 住西門水口國學生張錫純之女生於嘉
慶九年甲子七月十六日辰時卒於光緒八年十
二月十四日辰時享年七十有九歲

殯於南門外瑤鈴山

子四

兆坤

不娶故

兆曾

兆庸

兆成

不娶故

如琦子

應燾

字小岵州同銜按察司司獄分發安徽歷署

宿松縣縣丞桐城縣練譚司巡檢生於嘉慶十年

乙丑六月二十二日亥時卒於咸豐三年癸丑正

月十八日時時值粵匪陷安慶殉難奉旨賜

卹世襲雲騎尉以嗣子壽祺運同銜泰安府糧鹽

總捕通判 誥贈資政大夫

配楊氏 任務前河嘉慶舉人候選直隸州州判楊

且華之女生於嘉慶十一年丙寅七月十四日

時卒於道光二十年庚子七月十九日時享年

三十五歲誥封夫人

妾周氏 本城人生於嘉慶十九年甲戌四月初十日午時卒於光緒六年十二月日時享年六十七歲

繼子

壽祺

以應鑿次子爲嗣

型

幼隨父殉難

女一 適紹興府上虞縣許康濟庠生

如琦五子

應鑑

字午橋候選縣丞生於嘉慶十年乙丑十二

一月初四日時卒於咸豐六年丙辰五月十四日

時享年五十二歲 勅授徵仕郎住南河頭

配沈氏 同邑國學生沈潢號曙秋之女生於嘉慶

十一年丙寅十一月十一日 時卒於咸豐四年

甲寅十二月初八日丑時享年四十九歲

合葬東門外沈長山趙家兜

無嗣

南河頭住宅基地現建祠堂螟蛉沈氏子鹿鳴附葬趙家兜

如琦
六子

應煦

字蘇山由學東遷住獅子巷五品銜江西按

察使知事生於嘉慶十二年丁卯正月二十三日

未時卒於同治七年戊辰六月二十二日 時享

年六十二歲於山東擒匪竄擾陣亡案內奉 旨

旌卹贈知府銜世襲雲騎尉以子葆元三品銜江

甯侯補知府 誥贈資政大夫

配何氏 住小西街國學生何海濤潮發之女生於
嘉慶十三年戊辰十二月二十三日 時卒於咸
豐五年乙卯七月二十二日 時享年四十八歲
誥封夫人

子 葆元

女三 長適同邑潘浚明桂卿兩淮鹽巡檢 次適

李岷江程邑附生 三適同邑王濟卿國學生

模第
三子

壬 字元叔候選從九品生於道光元年辛巳八月

初八日午時卒於同治元年壬戌五月初三日

時享年四十三歲在湖防局同官兵拒戰陣亡奏
奉旌卹世襲雲騎尉

配唐氏 紹興籍住嘉定生於嘉慶二十五年庚辰

九月二十六日午時卒於咸豐六年丙辰二月十

七日酉時享年三十七歲柩寄嘉定未葬

繼子 壽愷 以申之四子爲嗣 湘慶 和 俱幼殤

女三 俱幼殤

皇宗國姓大皇帝萬歲萬歲萬歲

大清國皇帝

七世

子辰繼

珪

字珊樵安邑庠生道光乙未歲試入學生於嘉

慶十七年壬申十一月十三日申時卒於同治元年壬戌五月初三日■時享年五十一歲殉難奏請旌卹陰一子入監讀書

配錢氏 住土地街錢邇甫之女生於嘉慶十六年

八月十八日■時卒於道光九年十二月二十日時享年十九歲

繼配錢氏 同邑國學生錢夢莊之女生於嘉慶十

七年六月初四日■時卒於道光十二年十一月

二十一日酉時享年二十三歲

繼配潘氏

由東泊遷住蓮花莊國學生潘文燾琢

珊之女生於嘉慶二十年日時卒於道光

二十六年十二月十六日時享年三十歲

合葬於南門外瑤鈴山

子二

幼樵

繼妻錢氏出

乃銓

潘氏出隨父殉難

女一

文姐

字袁家滙曹峻未婚死難

嘉禾長子

壽保

字樺舫安邑庠生庠名兆奎江蘇候補知縣

生於嘉慶二十三年戊寅八月二十五日時卒

於同治七年戊辰十二月十三日時享年五十

一歲以弟彥臣山東候補道 馳封中議大夫

配孫氏 同邑內閣中書舉人孫衍慶之長女生於

嘉慶二十三年戊寅三月十二日 時卒於同治

元年壬戌五月初三日酉時享年四十五歲殉難

奏奉 旌卹建立專坊 馳封恭人

合葬南門外道場山

繼子

祖德

以彥臣之子爲嗣兼祧本支 蒼生 十六歲殤

應勳
長子

塋

字蓉生生於嘉慶二十三年戊寅十月初八

日巳時刑部供事議叙典史署按察使司獄軍功

保升知縣署霑化縣歷保至山東候補道加鹽運

使銜 賞戴花翎 誥授中議大夫

配陳氏 住土地街附貢生陳丙榮之次女生於嘉慶二十年乙亥二月十四日酉時 誥封淑人

妾張氏 山東人

子 煥文 乃安

女三 長適同里姜敦堦字伯笙山東蒲臺所批驗
大使 次適揚州顧懷壬字象三甲戌翰林任四川

華陽縣知縣。三適甯波鄭祖堯字夢陶庠生山

東候補知縣

師光
繼子

兆慶 字寶書以字行一字葆書國學生生於道光

元年辛巳四月二十日未時

著有安定言行錄讀書餘識遜志錄月河居士文

鈔纂修湖州府志廣德州志分修長興縣志安吉

縣志重修歸安縣志

陸代

配王氏 住館驛河任句容縣丞王善成甫山之女

陝西布政使王思沂之胞妹生於道光四年六月

十五日亥時

子四

士勤

士評

俱幼穉

士諤

士季

幼死難

申長子

嘉培

原名世昌字樹齋寄籍貴州平遠州籍貴陽

府學附生從九品分發雲南軍功保升州判加州

同銜歷署恩安大姚浪穹等縣知縣署姚州知州

勦回逆殉難奉 旨照四品官員陳亡例賜卹世

襲雲騎尉入昭忠祠生於道光三年癸未正月初

六日午時卒於同治二年癸亥七月初九日

時

享年四十一歲

誥封中憲大夫

葬雲南大姚縣苴却巡檢司南關外

配王氏 陝西神木縣籍貴州廣順州知州王鎮疆

之第九女生於道光五年乙酉十月二十三日亥時卒於光緒八年壬午正月二十八日亥時享年五十八歲 誥封宜人

葬於道場山北浜陳家山

子三

鎰

銘

年二十九未娶故祔葬陳家山

鈞

女一

適同里潘錫璋湖北候補通判

應塗長子

長保

字犀岑候選從九品同治七年山東擒匪肅

清案內保舉五品銜

賞戴藍翎分發江蘇補授

吳江縣汾湖司巡檢生於道光七年丁亥九月二十日亥時卒於光緒七年辛巳九月十一日寅時享年五十五歲 勅授登仕郎

配羅氏 住天甯巷羅樹義恭軒第三女生於道光九年己丑九月二十二日未時卒於同治元年壬戌五月初三日辰時享年三十四歲殉難奏奉旌卹入節孝祠

妾朱氏

無出

子二 炳文

麒麟

幼隨母殉難

女一 敬姑

幼隨母殉難



九元長子

兆坤

字久菴業儒生於道光八年戊子正月初八

日巳時卒於同治元年壬戌五月初三日

時享

年三十五歲殉難奏請旌卹不娶無嗣

應勳次子

堡

字芸生候選從九品加五品銜生於道光八年

戊子九月二十九日

時

以弟兆基江蘇候補道

贈封中憲大夫

配吳氏住下塘田國學生吳嵩生古薌之女生於

道光十二年壬辰四月二十四日午時

贈封淑

人

妾王氏 山東人

子 乃昌 乃翔 王氏生

嘉禾次子

彥臣

字筱農投効江蘇軍營保舉從九品改捐知

縣分發山東保升同知補授曹州府桃源同知歷
保至山東遇缺題奏道 署理山東督糧道 賞

戴花翎加布政使銜 誥授榮祿大夫生於道光

九年己丑三月初六日子時卒於同治十二年癸

酉十一月二十一日午時享年四十五歲

配李氏

江甯句容籍李虞楨之女生於道光十四

年甲午十月十七日午時卒於同治八年己巳六月十三日申時享年三十六歲 誥封一品夫人

合葬南門外道場山南浜

妾邱氏 山東東昌府人生於咸豐五年乙卯三月

二十九日酉時

子 祖德 出繼兼祧本支

女一 適揚州甘泉縣曹士琦字幼三候選州判夫

故守節

應勳
三子

兆基 字經生山東道庫大使署按察使司獄軍功

保升知縣補授嘉祥縣調長清縣親老告近改發

江蘇補金壇縣山西捐賑案內保以道員仍留江
蘇補用 誥授中議大夫 生於道光十二年壬
辰十二月十三日子時

配羅氏 住天甯巷候選縣丞羅樹師凝軒之女生
於道光十二年壬辰六月十五日 時 勅封淑
人

妾王氏 山東人生於道光二十五年五月二十三

日 時

子

乃嘉

羅氏生

乃棠

乃濟

殤

乃江

乃鎮

幼殤

乃元

乃

俱王氏生

女一

允元次子

兆曾

字蓉卿國學生生於道光十四年甲午三月

二十四日寅時卒於光緒三年丁丑九月初七日

未時享年四十四歲

配陳氏

住太和坊庠生陳桐芳之女生於道光二

十一年辛丑八月二十九日戌時卒於同治元年

壬戌五月

日

時享年二十二歲

繼配王氏

本城生於道光二十二年壬寅九月二

十日丑時卒於光緒四年戊寅四月十九日未時

以夫亡伏毒死享年三十七歲

繼子 乃菑

以兆庸之子爲嗣小名壽保兼祧本支

允元三子

兆庸

字全菴從九品軍功保舉六品銜生於道光

十五年乙未三月初八日未時

配王氏

嘉興人

未婚故

配陳氏

仁和籍寄居嘉興陳先元之女生於道光

二十九年巳酉十二月二十八日申時卒於光緒

三年九月初二日丑時享年二十九歲

子 乃菑 出繼兼祧本支

應燾
繼子

壽祺 字蓮青世襲雲騎尉通判分發山東於肅清

擒匪案內保舉 賞戴花翎加運同銜補授泰安

府糧鹽總捕通判 生於道光十五年乙未八月

初一日未時

配陳氏 海甯籍河南武涉縣知縣陳開業濟亭之

長女生於道光二十七年十一月初四日 時

子二 乃耀 乃普

女

申第
三子則蘭

字問松布政使經歷山東河工案內保舉運

同銜分發安徽生於道光十五年乙未九月初八

日卯時

配

子王繼

壽愷

字古忱世襲雲騎尉安徽候補同知生於道

光十七年丁酉八月二十一日申時

妾何氏

雲南籍生於道光十一年辛卯十月二十

四日時

子四 鈺 鎬 腸 欽 錦

申第 子 掖垣 字价人國學生生於道光二十一年辛丑九

月二十三日巳時

妾張氏 本城人生於同治三年五月初九日亥時

子一 鍾 辛巳生

女一 安姑

應煦 子 葆元 字蘭蓀世襲雲騎尉江蘇候補府經歷改捐

丁氏族譜

世系

七世

氏

鹽運使運判分發兩淮歷海運保升知府加三品
銜留江甯補用生於道光二十三年癸卯正月二
十四日亥時

配邱氏 住小西街國學生邱森之女生於道光二
十三年癸卯七月十四日卯時

妾陸氏

妾■氏

子六 乃揚 乃泰 乃仁 乃震 乃楨 乃第

八世

長子

乃銓

字蓮生生於道光十五年乙未九月初八日

未時卒於同治元年五月初三日時享年二十

八歲不娶隨父殉難

嘉培長子

鑑

字式如世襲雲騎尉分發山東鹽運使經歷賈

庄大工合龍案內保俟補缺後以知縣仍留原省

補用 生於道光二十一年辛丑八月十八日丑

時

妾段氏

山東聊城人生於咸豐六年丙辰十月初

十日酉時

子

之琳

光緒辛巳二月十三日子時生

兆慶子

士諤

原名鶴字子羽安邑庠生生於道光二十八

年戊申九月十六日寅時卒於光緒六年庚辰三月初六日寅時享年三十三歲著有雙桐軒詩鈔

筆記

配章氏

任荻港任南宮典史章觀文桂舫之第四

女生於咸豐元年辛亥十一月初五日酉時卒於

同治十年辛未十二月初八日子時享年二十一

歲

繼配鈕氏 住所前街國學生鈕福祺之次女道光
戊戌狀元鈕福保之胞姪女生於咸豐二年壬子
七月三十日子時

子二

景初

章氏出
辛未生

景韓

鈕氏出
乙亥生

莖長
子

煥文

原名乃文字子章兵部武選司郎中改知州

分發河南

生於道光三十年庚戌七月十四日

申時

配趙氏 同邑任山東魚臺縣知縣趙溶春臯之長
女生於道光三十年庚戌六月二十五日巳時

子 之璟 戊辰生 之琥 庚辰生

女二

嘉培次子 乃銘 字小樹業儒生於咸豐元年辛亥八月初四

日未時卒於光緒五年己卯正月初八日亥時不
娶享年二十九歲

壽保繼子 祖德 字桐蓀一字方山兵部郎中改同知分發江

蘇生於咸豐二年壬子三月初八日寅時

配朱氏 無錫籍山西學政朱福基之長女生於道光三十年庚戌二月初七日辰時

妾 氏

子 觀保 戊寅生

女

子 塋次 乃安 字孜襄號子祥戶部主事湖廣司行走加員

外衛生於咸豐二年壬子六月十三日戌時

配張氏 江蘇徐州籍山東鉅野縣知縣張彭年述

亭之次女生於道光三十年庚戌七月初五日丑

時

子

之珖

壬申生

之琛

幼穉

子長保

炳文

原名際昌字子岑安邑庠生光緒戊寅科試

入學同治七年山東肅清捻匪案內保舉五品銜

賞戴藍翎江蘇候補廵檢生於咸豐二年壬子

七月二十日子時

配章氏

紹興會稽籍候選知縣章福曜旭初之長

女生於咸豐元年辛亥六月初五日亥時

子

寶森 戊寅生

女

堡子

乃昌

字小芸湖州府學廩膳生生於咸豐五年乙

卯十一月十七日酉時

貢任嚴州內閣中書銜任嚴州府判

配俞氏 紹興籍任江蘇金匱縣俞名厚悠遠之長

女生於咸豐八年戊午四月初四日丑時

子

之琪

辛巳生

之璜

乙酉生

女

鳳保

琴保

壽保

麟保

嘉培
二子 鈞

字治平庠生光緒戊寅科試撥入府學生於咸

豐九年己未十月初九日申時

配嚴氏 由驥村遷住本城邑庠生嚴雲湄之次女

生於咸豐十年庚申七月初九日巳時

女子



兆基
長子

乃嘉

字惠人鹽運使運判加運同銜分發兩淮生
於咸豐九年己未十二月三十日酉時

配陸氏

住花樓橋前任廣東高廉道陸心源之長
女生於咸豐八年戊午正月十二日酉時

子
女

壽愷
子

鈺

字其相安徽試用典史生於咸豐十一年辛酉
二月初十日戌時

配沈氏 錢塘籍安徽直隸州知州沈昌祚之第四
女生於同治元年壬戌正月二十日巳時卒於光
緒九年七月 日

子

兆基次子 乃棠 字壽臣業儒生於同治二年癸亥三月二十

三日未時

配邱氏 住南潯鎮候選同知邱仙槎第四女生於

咸豐十一年辛酉十月二十五日巳時

兆基
三子

乃濟

字菊孫安邑庠生生於同治四年乙丑九月初七日戌時卒於光緒八年六月初一日子時享

年十八歲

配徐氏

嘉興籍生於同治八年己巳十一月十七

日辰時卒於光緒八年壬午二月廿二日辰時未婚

葆元
長子

乃揚

生於同治九年庚午二月廿三日

壽愷
次子

欽

字■生於同治九年庚午六月初三日卯時

兆庸
繼子

乃菑

小名綬保字■

生於同治九年庚午六月

丁氏
疾普

世系

八世

三

十三日寅時

葆元

次子 乃泰

字

生於同治十年辛未三月二十三日

酉時

壽愷

三子 錦

字

生於同治十一年壬申九月二十二日

未時

堃元

三子 乃仁

字

生於同治十一年壬申十月初一日未

時

兆基

四子 乃江

字

生於同治十一年壬申十二月二十日

辰時

配張氏

壽祺
長子

乃耀

字

生於同治十三年甲戌三月初九日

時

葆元
四子

乃震

字

生於光緒三年丁丑五月二十日子

時

兆基
五子

乃元

字

生於光緒四年戊寅五月初八日辰

時

壽祺
次子

乃普

字

生於光緒四年戊寅十一月十一日

時

葆元
五子

乃植

字

生於光緒六年庚辰九月二十九日

葆元
六子

乃第

字

生於光緒九年癸未正月二十八日

丁氏族譜

世系

七世


三三五

○祭○出○者○以○客○而○祭○而○一○堂○與○對○曰○盛○持○者○以○對○刻○之○如○命○祭○而○登
○也○登○平○然○而○祭○而○登○曰○備○登○者○不○曰○夫○對○對○祭○之○容○既○祭○而○登○登
○於○手○持○而○祭○而○雨○降○則○只○賓○不○主○矣○斯○何○等○之○盛○禮○祭○而○登○昔○登
○謂○曰○而○登○身○盛○矣○所○流○數○帝○帝○前○此○之○禮○而○社○之○時○祭○所○以○成○平○也
○榮○姑○祭○年○費○而○顯○之○文○而○登○謂○之○曰○尚○命○定○也○




丁氏族譜卷五

始祖暨二世祖梅軒
公配沈太君合葬墓
在程邑北門外九十
九莊西余山距城二
十里計辦山糧二畝
零東至錢地西至山
頂南至方地北至沈
地為界康熙年間造
同治十一年重修有
碑記管墳邱雲洲住
山麓



二世祖鵠雲公配陳太君三世祖簡齋公配張孺人繼配鄭孺人合葬墓在程邑南門外四十二莊潘塘村對河距城五里計辦地糧四畝零東至地西至兜南至碧浪湖北至兜乾隆四十一年丙申造墳前刻石管墳戴同春住潘塘村另有田二畝不收租為管墳工食




四世祖樸庵公配許
夫人合葬墓在程邑
西門外六十八莊楊
家埠官莊村距城十
里計辦地糧一畝一
分東至水溝西至河
南至水溝北至沈地
為界道光二年七月
造有碑記另有田二
畝八分為管墳張鈺號竹齋
業羽士
法工食

關莊村

乙山
辛向

四世祖仙槎公配鄭
 夫人妾戚氏五世祖
 曉樓公配馮夫人妾
 李氏合葬墓在安邑
 東門外一百二十二
 莊巖徑邨南徑四圩
 距城十一里計辦地
 糧一畝七分東至潘
 地西至潘墳南至田
 北至港為界道光二
 十二年造有碑記另
 有田二畝不議租為
 管墳沈萬祥工食



四世祖秋水公配吳
 孺人嚴氏未婚五世
 祖啟甫公配吳氏楊
 氏朱氏六世鑑庭公
 配章氏張氏賓門公
 配秦氏合墓墓在程
 邑北門外黃龍洞山
 距城十四里計辦山
 糧一畝零東至邵地
 西至廟地南至范地
 北至邵地為界道光
 二十二年二月造有
 碑記二管墳邵姓住
 恒山村

黃龍洞山

小梅山



小恒山

昇山


恒山漾

長超山

喬木山




四世祖養和公
 配莫宜人妾沈
 氏合葬墓在程
 邑南門外四十
 一莊瑤鈴山距
 城十里計辦地
 糧三畝東至蕩
 南至港西至蕩
 北至山為界道
 光十一年造管
 墳姚阿二住本
 村



五世祖綺巖公
 配吳夫人合葬
 墓在程邑北門
 外八十八莊外
 溪墳頭漾距城
 七里計辦地糧
 二畝三分東至
 潘田西至葉田
 南至潘田北至
 漾口為界道光
 年造管墳潘
 集和住外溪村常田圩

龍溪來水



五世祖綺巖公妾
 王氏暨六世午橋
 公配沈孺人合葬
 鹿鳴社墓在安
 邑東門外一百二
 十六莊立字一圩
 趙家兜距城七里
 計辦地糧三分東
 至倪地西至嵇地
 南至湖北至施田
 為界咸豐十一年
 造管墳趙鳳英住
 本村

蜀山

喬木山

烏山

子午
 兼
 癸丁

趙家兜

沈長山

山淵

孟家山

道場山



五世祖虹橋公
 配錢孺人六世
 憲生公配湯孺
 人七世珊樵公
 子幼樵姪連生
 合葬墓在程邑
 四十二莊瑤鈴
 山養和公墓西
 田塍東至行路
 西至行路北至
 港為界計辦地
 糧二分同治九
 年造管墳姚阿
 二

妙西山


辛山
 乙向

堂子山

道場山

五世祖春山
 公配吳孺人
 暨六世半華
 公配張孺人
 次子蓉卿配
 王氏第五子
 兆成合墓墓
 在南門外搖
 鈴山養和公
 墓前餘地四
 至先前光緒
 九年五月造
 管墳姚姓住
 本村


山鈴瑤



五世祖檢亭公
 配張孺人合葬
 墓在程邑青銅
 門外十莊
 青銅村西北
 字圩距城一里
 計辨地糧三分
 東至王地西至
 溫地南至行路
 北至仲田為界
 道光十九年造
 有碑記管墳溫
 姓住本村



六世半裝公配
 孫夫人女靜蓮
 合葬墓在安邑
 東門外一百二
 十二莊嚴徑邨
 北徑四圩仙槎
 公墓後計辨地
 糧二畝東至張
 地西至王地南
 至小港北至朱
 地為界咸豐五
 年造有碑記嘗
 墳沈萬祥




六世濟仲公配
 關謝人合墓墓
 在安邑東門外
 一百二十一莊
 八百畝祥字二
 圩距城十一里
 計辦地糧九分
 東至孫地西至
 朱地南至漾北
 至孫田為界光
 緒九年正月造
 有碑記管墳孫
 廣華

廣華



墓

山



六世菊坡公配
 嚴夫人合葬墓
 在安邑南門外
 一百四十莊孝
 字四圩東泊南
 莊潭距城四十
 里計辦地糧三
 畝零東至潭西
 至田南北皆至
 陳地為界同治
 年造有碑記
 管墳陳沛昌等



七世揮舫公
 配孫恭人子
 若生合葬墓
 在程邑南門
 外四十二莊
 道場山南溪
 計地■畝東
 至費地西至
 費地南至大
 路北至費地
 為界同治八
 年造有碑記
 管墳費錦山
 住南溪

道場山

壬山
丙向

金蓋山

墓

八

丁氏族譜



七世樹齋公配

王恭人次子小

樹合葬墓在程

邑南門外四十

二莊道塲山北

洪陳家山距城

十里計辨山糧

二畝東至韋地

西至山頂南至

曹也北至東地


為界光

九月造

管墳韋鳳佳

北溪

道塲山



編毬山



